

文
543
956

1-2



香囊記目錄

卷上

第一齣

家門

第二齣

慶壽

第三齣

講學

第四齣

通試

第五齣

起程

第六齣

途敘

第七齣

題詩



第八齣

投宿

第九齣

憶子

第十齣

瓊林

第十一齣

看策

第十二齣

分岐

第十三齣

供姑

第十四齣

點將

第十五齣

起兵

第十六齣

榮歸

第十七齣

拾囊

第十八齣

授詔

第十九齣

聞計

第二十齣

敗元

第二十一齣

尋兄

香囊記上目錄 終

香囊記上

第一齣 末上

鷓鴣天一曲清歌酒一巡梨園風月四時新人生得意須行樂只恐花飛減却春今卽古假爲真從教感起座間人傳奇莫作尋常看識義由來可立身

沁園春爲臣死忠爲子死孝死又何妨自光嶽氣分士無全節觀省名行有缺綱常那勢利謀謨屠

香囊記
沽事業薄俗偷風更可傷怎如那歲寒松柏耐歷
水霜閒披汗簡芸牕謾把前修發否臧有伯奇孝
行左儒死友愛兄王覽罵賊睢陽孟母賢慈共姜
節義萬古名垂有耿光因續取五倫新傳標記紫
香囊

風流子 蘭陵張氏甫兄和弟夙學自天成方盡子
情強承親命禮闈一舉同占魁名爲忠諫忤違當
道意邊塞獨監兵宋室南遷故園烽火令妻慈母
兩處飄零○九成遭遠謫持臣節十年身陷胡庭

一任契丹威制不就姻盟幸遇侍御捨生代友得
離虎窟晝錦歸榮孝友忠貞節義聲動朝廷

賢德母慈能教子 貞烈婦孝不遺親

王侍御捨生死友 張狀元仗節忘身

第二齣 生上

齊天樂 讀書無意登廊廟所志豈求安飽菽水承
歡糞鹽樂道孝悌乃立身之要 外上 青雲夢杳且

就學趨庭繼晷焚膏 合 兄弟怡怡向慈闈躬把甘

旨調 生 洙泗千年道不傳淵微至理在遺編一生

未悟誠明了百行須知孝悌先列追往聖企前
賢鳶飛魚躍性中天三遷曰佩慈親教夙夜遑
遑更勉旃生兄弟入則孝出則悌行有餘力則
以學文今日是母親壽誕暫輟講習之功就此
花前捧觴稱慶以敘彝倫之樂多少是好外哥
哥爲此春酒以介眉壽況又兄弟旣翁和樂且
耽就當携取酒肴果饌一同嫂嫂扶持母親出
來下

花心動

旦上

閨夢驚回聽流鶯報道瑣牕春曉

貼上

潘鬢垂絲萊綵翻霞閒身且自逍遙

外持酒上

夜

來南極祥光照

合

親壽日喜遇花朝對碧桃同把

壽樽傾倒

貼

老身崔氏之女張門之母良人棄世

之時二子尚幼骨肉妻涼家業凋廢教誨提携
黽勉夙夜如今皆已成立大的孩兒張九成新
娶媳婦邵氏貞娘且喜他德性幽閒功容盡善
頗稱清白之風第二的孩兒張九思未遂室家
之願且待他溫習經書又作區處正是不求金
玉貴但願子孫賢孩兒你請我出來則甚生外

跪介 告覆母親且喜萱花無恙棠棣聯芳雖無

王母蟠桃之宴聊效萊子戲綵之歡況身閒無

事當此春和景明之時聊具蔬酒為母親介壽

貼正是萬兩黃金未為寶一家安樂值錢多

錦堂月 生紅入僊桃青歸御柳鶯啼上林春早簾

捲東風羅襟曉寒猶峭喜僊姑書附青鸞念慈母

恩同烏鳥 合風光好但願人景長春醉遊蓬島

前腔 外難報母氏劬勞親恩罔極只願壽比松喬

定省晨昏連枝尚有兄嫂喜春風棠棣聯芳娛晚

景松筠同操 合前

前腔 旦祈禱親壽彌高童顏自若春色故偏萱草

蘭茝生馨青蓮已見龜巢喜一門和氣如春總萬

兩黃金非寶 合前

前腔 貼垂老素髮飄蕭朱顏委謝不復鏡中年少

教子成名只指望異日封褒孩兒那時節喜十年

雪案螢囊換五色金花鸞誥 合前

醉翁子 生難效那閔損與曾參子道且竭力承顏

盡心行孝 旦論討看古往今來取取名從青史標

合祈壽考願鶴算綿綿福海滔滔

前腔 外聽告論為子事親當顯耀但親在高堂怎

敢遠遊相拋 貼從教奮萬里鵬程莫學區區兒女

曹 合前

僥僥令 生簷花明繡襖 旦庭草亂青袍 合但見兩

兩僊童歌金縷玉女奏雲璈舞楚腰

前腔 外銀缸燃鳳腦玉碗送羊羔 合一任銅壺催

更箭明月送清宵轉斗杓

十二時得歡笑處須歡笑想來日陰晴難料萬事

莫縈懷抱

貼春風戲綵醉花前 生五福從來壽是先

旦直見蟠桃開兩度 外却教龜鶴美長年

第三齣 末上

宰地錦襦三年篤學不窺園刺股懸梁志亦堅文

章亦可選青錢問友尋師更勉旃自家高秀才便

是今年正當大比之年學中幾箇朋友相期講

學不免尋訪則箇

水底魚兒 丑上坐破寒氈燈牕苦十年試官批卷

定為第一篇末詩敘關雎為首章這的是第一篇

前腔淨上 騏驥爭先雲程快着鞭是人欽羨道咱

作狀元末英才滿天下偏你作狀元淨小子志量

如此老兄何故當面捨白末將軍手裡戟如霜

這便是當面捨白丑我便要一箇足下白末人

跡板橋霜這便是足下白淨我要一箇身上白

末滿頭風雪却回來這便是身上白丑我又要

一箇白裏白末梨花院落溶溶月這便是白裏

白淨我要箇白白白末諱不過三今當大比之

年試期將近且去尋訪幾箇朋友講習學問多

少是好淨君子講學以文會友以友輔仁有何

不可

駐雲飛壯志軒昂自小遊從翰墨場文字皆官樣

容貌非凡相啖盧駱與王楊豈為吾黨便遇韓柳

歐蘇末未必多謙讓合目短曹劉十仞牆目短曹劉

十仞牆

前腔丑學問荒唐終日陶陶入醉鄉縱酒情偏蕩

舞劔年方壯啖裘馬任清狂且耽遊賞你看雲淡

風輕花外晴絲颺合細柳鶯聲出画牆細柳鶯聲

出画牆

前腔末綺陌塵香多士如雲遇試忙負笈紛來往

問友爭尋訪啖逸足騁康莊肯留羈鞅志氣凌霄

才思殊英爽合筆陣生風戰堵牆筆陣生風戰堵

牆

前腔生上幼習文章曾佩軻親教子方甘旨躬調

養名利誰承望啖鑿壁且偷光寸陰休曠悟却誠

明義理從條暢合免使他年悔面牆免使他年悔

面牆衆相見介淨動問尊兄高姓生學生姓張淨

立早弓長生子張之張淨甚表生九成淨必有

箇出處生書曰簫韶九成鳳凰來儀淨承教承

教此位老兄高姓末學生姓高淨你倒會使乖

我問你高姓你就說姓高怎麼不說姓低末姓

怎麼換得淨甚表末八座淨也有出處末史記

云尚書六曹并令僕二人爲八座淨將就將就

此位老兄高姓甚表丑小子取名時也不會看

書只有一句猜謎詩末願聞丑道是菊殘猶有

兩三枝末莫不是鄭五花丑正是正是末足下

高姓淨口天末姓吳淨要倒下口字來末那有

吞字姓淨祖上原姓吳父親生小子口大能吞

食說古人曾有田駢大口做了顯官以此好識

故改作姓吞了末甚表淨你是一句詩取名我

小子是三句詩得名末願聞淨第一句你猜雪

暗逢人不舉盃末這是寒夜客來茶當酒淨第

二句自小貪盃到白頭末這是斷送一生惟有

酒淨第三句故人相見且銜盃末這是客來謾

酌清樽酒淨喫你都猜着了小子平日貪杯又

作得三句好詩與古人詩相合就以此為名末

三句詩皆有盃字莫不是吞三盃淨正是正是

譚介末且不要浮言浪語秀才家相見講些文

字以求進益也好淨正是都要把本經講一篇

丑張兄治何經生春秋淨春秋大義何如生春

秋以褒貶為義屬詞比事微文隱義聖人作春

秋而亂臣賊子懼淨承教高兄治何經末毛詩

丑大義何如末詩以道性情善者可以感發人

之善心惡者可以懲創人之逸志淨承教鄭兄

治何經丑小子治禮記未大義何如丑禮以敬

為主經天緯地本之則太一之初原始要終體

之則人情之大淨這經義切體今日朋友聚會

小子不會學得禮數請教道一番丑隨諸公要

講那一篇未內則少儀鄉飲射義隨意講了一

篇丑不瞞老兄說孔子問禮於老聃之時學生

年幼不會聞得諸公若要問我經義待我去問

二戴老先生來未又道是當仁不讓於師丑吞

先生治何經淨周易未大義何如淨若要知大

義就在此坐聽講三五日去未那得許多工夫

畧說些經旨淨我就說伏羲畫八卦文王重之

為六十四卦周公作爻辭孔子作十翼之辭以

後李之才傳於穆修穆修傳於种放种放傳於

陳搏陳搏傳於邵康節先生小子便是邵康節

先生親授業的高徒你怎麼駁問我經義起來

未且不要誇口只要解太極兩儀四象之義還

我淨我那曉得兩儀四象只把八八六十四卦

斷些吉凶便了列位若要問前程就取課錢出

來末此間張兄是道學之士休得胡柴淨不敢

早羅袍

生為學本知趨向論修身須盡儉讓温良

求仁未入仲由堂安貧且臥顏回巷合男兒志氣

努力自強聖賢經傳潛心會講奎光直透三千丈

前腔

末自忝朝廷作養儘勞形雪案苦志螢囊十

年燈火困寒牕一朝姓字題金榜

合前

前腔

淨我禮度從來豪放恃三軍筆掃五綵胸藏

須教白屋出朝郎爭誇月斧歸天匠

合前

前腔

丑莫笑我狂言誇獎似神魚失勢暫困濠梁

禹門一日會飛揚春風鼓動桃花浪

合前

生焚膏繼晷惜三餘

淨管領春風到草廬

末富貴必從勤苦得

丑男兒須讀五車書

第四齣

貼上

花心動清白家聲嗣箕裘奕世尚遺勲陰兒肄詩

書婦主蘋蘩何須囊有贏金

旦上

布荆慙遇梁鴻

選喜賢母慈愛恩深旦暮間奉侍升堂將祗臨江

仙

貼曉鏡離鸞羞覩影孤琴久絕朱絃只應腸

香囊記

上十

斷栢舟篇姆儀崇四德教子慕三遷旦燕爾新

婚諧伉儷嬌容尚怯芳年躬持婦道未能全職

供南澗藻心戀北堂萱貼媳婦自你來到我家

方纔半月尚不知我許多心事旦婆婆請說與

奴家知道貼比初你公公棄世之時你丈夫與

叔叔皆在孩幼內外俱無期親之賴奈家業凋

零朝夕艱窘勉以詩書教育二子如今幸得他

卓立成人但不知前程之事如何旦婆婆不知

公公亡過幾年了

瑣牕寒貼守孤幃幾度淚沾衿二十年餘喪藁砧

把詩書教子每苦難禁終宵耿耿何曾安枕只愁

他罄囊虛廩合古今惟有孟母與曾參這般賢孝

堪欽

前腔旦聽雞鳴妝鏡慵臨寤寐常懷奉母心恐西

山日近老景加侵躬操井臼還勞織衽向晨昏怎

辭興寢合古今惟有孟母與曾參這般賢孝堪欽

前腔生外上論為學須惜分陰瞬息風簷歲月侵

奉慈親強學扇枕溫衾兒心祇恐春秋高甚那戀

着腰黃衣錦

合

古今惟有孟母與曾參這般賢孝

堪欽

見貼旦介貼

孩兒養子不教父之過訓道不

嚴師之情自你父親亡後訓育之功都是我一身擔了且喜汝等年紀長大學業有成但家貧不爲祿仕是以朝夕憂念今當大比之年你兄弟可去求取功名多少是好生母親自古道事親孝故忠可移於君孩兒於事親之禮尚未能盡豈可先於事君乎外母親李密陳情猶懷烏鳥之私臯魚出仕致有風木之恨語云父母在

不遠遊孩兒情願在膝下習些孝悌之道不敢違親遠出財孩兒子路負米固能盡養親之禮

其後雖有崇爵之貴厚祿之享思欲奉親而不可得爲終身之恨我如今年紀高大生前不得一享封爵之榮死後有三牲五鼎之祭亦必飲恨於九泉之下矣生兄弟母親嚴命再三你年

幼恐不能任薪水之勞待我在家事母你去求官便了外哥哥少者當任其勞況哥哥負經濟之才取青紫如拾芥兄弟學未成章其實難去

貼 你兩箇雖年齒大小皆受十年燈牕之苦都
去一取功名方顯我教子之功 旦 官人休要固
辭一則抗親之命二則不能養親之志係與叔
叔同去婆婆在堂奴家當自服勞奉養不必掛
念 生 既然如此只得順親之志收拾行李早晚
起程便了

三學士 只得含情從母命早辦行李登程事親未
得榮三釜教子空勞授一經 合 但願錦衣歸定省
忠和孝兩盡情

前腔 外 暫脫斑衣事遠行免不得戴月披星母親

倚門他日休思子仗劍明朝又逐兄 合前

前腔 旦 親在高堂當暮景甘旨我自應承妾身已

受蘋蘩託婦道須傾葵藿誠 合前

前腔 貼 半世孤燈身共影孩兒為汝等多少勞形

若非一舉登科日怎顯得三遷教子名 合前

貼 當今黃榜選英才 生 母命如何敢拒推

外 正是牕前勤苦學 旦 須教馬上錦衣回

第五齣 生外同上

香囊詞
一剪梅

生

胸藏星斗氣冲霄甘老青袍豈戀藍袍

外

桃花浪暖禹門高日近天遙水遠山遙

生

兄弟

事孰為大事親為大守孰為大守身為大昨日

母親苦逼我和你赴舉雖一時勉強承命以思

終夜不寐其實難行外哥哥善事父母為孝善

事兄長為悌兄弟於孝悌之道尚未能行豈敢

求務於外生然此必待母親出來婉容苦告則

箇

繞地遊

貼同旦上貼

憂心悄悄歷盡冰霜操論教

子軻親難做

旦

雞聲報曉問寢高堂早執婦道肯

求安飽

貼

孩兒夜來分付你兄弟收拾行李一同

赴試如何了

生

母親行李雖備了孩兒三思起

來一則母親年老止有媳婦在家井臼之勞尚

不堪任安能盡得温清之禮二則早晚有些欠

缺女流之輩濟得甚事是以猶豫不敢承命

貼

自古道貧窮患難親戚相救婚姻死喪隣保相

助同鄉共井平日皆以恩信相結凡有欠缺老

身自能理會我兒你兩箇放心前去

忒忒令常把文章教兒曹只指望立身行道況我
衰暮百年事難保及早去取功名及早去取功名
沐恩寵顯母妻五花封紫誥

前腔旦官人你才學從來壓俊髦豈終可在家懷

寶若非求仕奈家貧親老休恁的苦推辭休恁的
苦推辭步雲程取青紫早把親顯耀

沉醉東風生論忠節忍學那趙苞也只願事親行

孝晨夕裏念劬勞晨夕裏念劬勞私情烏烏因此
上敢違慈教

前腔外為功名把慈闈忍拋怎做得絕裾溫嶠哥

哥我和你出去後呵甘旨有誰調甘旨有誰調親
恩難報空淚灑北堂萱草

福青歌丑扮隣母上少年郎讀書豪氣赴春闈必

登高第老娘積祖是隣居特來賀喜饒行程少助
盤費相見介貼王隣母請坐丑老安人老娘聞得

二位秀才上京求官特來探望一番貼多多起

動王隣母我十年教子喫了多少艱辛也只要
光門耀戶今着他去赴舉兩箇在此再三推調

不從生 隣母母親嚴命固不敢違但我兄弟去
後家中並沒一箇親人恐有空乏如何是好丑
秀才自古道遠親不如近隣老娘忝為隣舍衣
食稍為贏餘日後倘有欠缺都是老娘應當生
多謝隣母外 隣母哥哥才富力強固當去取功
名卑人年紀未壯才學未成情願在家奉養望
隣母一言勸解則箇丑 秀才老娘不識世事但
聞得俗語云恭敬不如從命老安人便是差見
也索逆來順受不可推拒就此拜辭了起程去

老身有些小白銀奉為路費生外 多謝隣母

園林好告膝下兒今遠離暫撇下斑斕舞衣早赴

文場科試合 知甚日拜庭闈知甚日拜庭闈

前腔貼 喜天賦良才與我兒肯甘做山林布衣及

早飛黃千里合 揚姓字耀門楣揚姓字耀門楣生

娘子母親在堂好生與我侍奉

神仗兒旦 高堂母氏他鄉遊子慎勿多憂慮生 娘

子母親在堂如何旦 我自供調甘旨合 晨夕裏強

支持晨夕裏強支持

前腔

丑

裙釵老嫗鄰家居住喜白頭相聚匱乏我

當周濟

生外貼旦合

凡百事望提攜凡百事望提

攜

川撥棹

貼

深感激恩和義我兒行當記取

生外會

有日身上雲梯會有日身上雲梯這深德焉能負

虧

合

願恩榮返故廬願恩榮返故廬

前腔

旦

早賦歸期莫待遲念白髮慈親頻倚闥

外生

但只恐旅泊天涯但只恐旅泊天涯萬里思歸不

可歸

合

這離懷欲訴誰這離懷欲訴誰

意不盡

合

辭親舍赴帝畿奈萬水千山迢遞頻寄

緘書慰母妻

生

骨肉傷情為別離

外

好將三策獻明時

貼

十年總下無人問

合

一舉成名天下知

第六齣

生上

鵲橋偃花飛江路鳥啼紅苑過眼流光指撚

外上

思親回首望家鄉又隔斷青山不見

淨末上

山程

歷盡水程經遍驥足康莊未展

合

方今天子網英

賢抱玉向明庭投獻

末

水流花謝兩無情送盡東

風過楚城生 蝴蝶夢中家萬里杜鵑枝上月三

更外 天涯遊子高堂母一度沾巾一回首淨相

逢逆旅且停驂借問酒家何處有動問尊兄高

姓生 姓張淨 甚表生 九成淨 此間老兄外 亦是

姓張淨 甚表外 九思淨 想必與此間昆仲了生

正是淨 僊鄉何處生 毘陵淨 此位老兄高姓末

姓樊淨 甚表末 光遠淨 僊鄉何處末 梁溪外 足

下高姓淨 第一外 那有此姓淨 百家姓上第一

末 是姓趙外 貴表淨 做出來外 僊鄉何處淨 吳

興諸公在比大家鄉土要說一箇出產之物以

古人詩為證生 只憑足下道來淨 蘭陵出產生

好酒淨 怎見得好酒生 李白有詩云蘭陵美酒

鬱金香玉碗盛來琥珀光淨 其實好老兄見賜

一兩餅生 路途中那里帶得淨 九思老兄有何

出產外 春茗淨 怎見得外 盧仝有詩云天子未

嘗陽羨茶百草不敢先開花淨 樊老兄有何土

產末 泉水淨 水是那里沒有末 是天下第二泉

淨 怎見得第二泉末 姚合有詩云何時定買梁

溪棹同試山中第二泉淨將就未僊鄉出產淨

我那里有十分好物未請道淨我那里出得好

大蘿蔔未怎見得淨俗語云湖州蘿蔔賽過金

壇藕譚介一箇是好酒一箇是好茶一箇是泉

水烹茶就沒有下酒小子出蘿蔔做小菜有何

不可未這不是古人詩句淨古詩甚有小子因

習舉業文章沒工夫去記這句言語也是古人

傳下來的未那些叫做是古非今淨適來見張

兄說了蘭陵好酒忍不住流涎況又行路辛苦

同諸公那里市上沽三盃少解勞頓如何生此

間荒僻去處沒有酒店趨行前面揚州城裏歇

息則箇淨也說得是趨行趨行

朝元歌生花邊柳邊燕外晴絲捲山前水前馬上

東風軟自歎行踪有如蓬轉盼望鄉山留戀鴈素

魚箋離愁滿懷誰與傳日短北堂萱空勞魂夢牽

令洛陽遙遠幾時上九重金殿幾時上九重金殿

前腔外十載青燈黃卷螢牕苦勉旃雪案費精研

指望榮親姓揚名顯試向文場鏖戰禮樂三千英

雄五百爭後先快着祖生鞭行贍尺五天

合前

前腔

未

携取琴書筆硯行裝只半肩客計甚蕭然

水宿風食怎生消遣天晚長途人倦芳草芊綿王

孫豈不思故園看落日下平川歸人爭渡喧

合前

前腔

淨

滾滾紅塵拂面東風花滿煙春事正暄妍

對此韶華且宜遊衍誰道人離鄉賤寶劍青氈行

囊儘餘沽酒錢何處卸行躔向長安都市眠

合前

生

子規啼斷落花風

外

遊子傷情客路中

未

正是十年成底事

淨

致令羸馬走西東

第七齣

丑上

楊柳青青間杏花清風翠幔出林斜停驂謾許

遊人醉抱瓮無妨稚子賒浮臘蟻泛晴霞餅罇

麪蘖是生涯中山傳得神僊術不比尋常買酒

家自家開一箇小店在揚州城外津要路口多

有官員人客來到沽酒不免淨掃屋宇鋪設坐

位伺候則箇

末扮呂洞賓上

朝遊北海暮蒼梧

袖裏青蛇膽氣麤三醉岳陽人不識浪吟飛過

洞庭湖自家煙霞色相土木形骸真海外之僊

流豈塵中之幻質朝遊吳楚暮返齊梁浮踪不
定兩鳥只似飛鳧變態無常一身猶如化鶴口
誦黃庭兩卷經修成寶籙肘傳丹篆千年術養
就金砂曾陪王母宴見方朔偷桃嘗過蔡經家
被麻姑鞭背開山種玉點石成金壺中甲子潛
消洞裏乾坤不老數着殘棋江月曉一聲長嘯
海天秋貧道呂巖的便是曾授管霄霞長生不
死之術二百年浪跡於三山五嶽間人皆知爲
道人今日經過睢陽城外此間有一箇酒肆不

免取醉一回酒保那有

丑

師父有何分付未好

酒取三五百文錢的過來

丑

自家開一箇小店

在此來來往往竝不會見有人喫得四五十文
錢的酒這箇道士就要買三五百錢看他也不
是凡間人相豈不聞黃鶴樓老嫗之事乎且不
要與他論價只將酒器多多鋪設在此看他喫
得多少正是神僊留玉珮卿相解金貂

下坐

飲酒介爭扮漁翁上

罷釣歸來不繫船江村月

落正堪眠縱然一夜風吹去只在蘆花淺水邊

見未介

店官買酒

未

漁翁不要錢買我儘沽

得在此就喫了幾甌去

淨譚介

客官你是那里

感承你賜酒十分快活我唱一箇曲兒與你喫

剗歛兒魚竿釣罷菰蒲岸扁舟泊在蓼花灘濯足

楚江晚時過杏壇合相逢此間傳盃弄盞那管世

途風波滿眼

前腔末山盃半杓胡麻飯僊瓢數粒九華丹從教

白石爛滄溟水乾合前

前腔淨煙波萬里誰為伴忘機數點白鷗閒東西

沒牽絆風宿水食合前

前腔末身穿紫帔煙霞暖腰橫寶劍雪霜寒雲踪

任蕭散朝遊暮還合前淨作醉介末這箇漁翁他

到來問我是那里你怎麼曉得我

沽美酒我採山花可療饑收木葉可紉衣身似流

雲跡似飛吞六氣去三尸經幾度伐毛洗髓一顆

粟密藏人世三尺劍快斬妖魑揮羽扇能分江水

握神符曾為霖雨老漁翁你好癡要我住居笑

指着白雲天際題詩介鴻鴈聯登第豺狼不可當

香囊記
沙場千萬里會合紫香囊 下醉餘回首是歸路
數點遠峰蒼海東 下淨醒介 呀道士那里去了
我也唱箇山歌回去了罷

山歌楊柳青青江水平菰蒲深處釣舟橫瓦盆沽
酒醺醺醉不脫簑衣臥月明 下

第八齣 生上

似娘兒客路換風煙家漸遠望眼懸懸 外上思親

情緒難消遣 末淨上忙投旅邸同尋酒店暫且留

戀盡堂春 生聲聲杜宇怨殘春不堪遊子初聞 外

感時傷別倍思親幾度消魂 末飛絮欲隨去騎

落花應戀征輪 淨解衣今夜宿江村沽酒論文

末路途辛苦諸公尋宿歇如何 淨正合下懷此

間有酒店當共諸公典衣一醉酒保那有 丑上

釀成春夏秋冬酒醉倒東西南北人官人有何

分付 淨有好酒麼 丑隨官人要甚麼樣酒 淨胡

說你有多少樣酒 丑洞庭春石凍春羅浮春土

窟春梨花春竹葉春珍珠紅葡萄綠玉膏青秋

露白桂髓椒漿蘭英桑落烏程白墮醪醕醞醑

般般有品品高直須儀狄齊名那許新豐奪市

淨我只要掃愁帚和那釣詩鈎丑這箇酒不曉

得淨便喫我問倒了罷罷你只揀上品香醪取

過來丑正是三盃和萬事一醉解千愁下淨諸

公在此喫酒中間要說箇文字令道不出的便

罰酒生怎的道淨要一個五字數頂着兩句五

言詩末什麼五字數淨便如五行金木水火土

之類生小子道五位公侯伯子男男兒立大節

不武便為文淨好好且是氣象外小子道五數

一十百千萬萬里人南去三春鴈北飛淨好好

末我道五色青黃赤白黑黑上生紅本黃猿領

白兒淨都說得好不罰酒末今次輪到足下了

淨我道五常仁義禮智信信使可覆器欲難量

末後面這兩句不是詩又只是四言不中淨小

子再道五樣酒清甜滑辣香末將就要頂詩句

來淨遲日江山麗春風花草香末詩雖好只是

不頂着香字淨有什麼難便作回文念香草花

風春麗山江日遲末不准請罰三盃生西江月

斷送一生惟有破除萬事無過外花開如綺鳥

如歌不飲傍人笑我淨詩興憑他喚起春愁賴

爾消磨末盃行到手莫辭多誰識醉鄉奇貨淨

通酒介

排歌內苑糟丘中山醴泉須教渴吻流涎相逢拚

取杖頭錢一斗休論價十千合金蘭嫩玉薤鮮長

安市上酒家眠清如聖濁似賢玉樓人醉杏花天

前腔生菽水違情鶯花枉妍持盃使我悽然空聞

急管與繁絃懶與時人學少年合前淨你道古人

好酒的有誰

前腔外放達劉伶風流阮宣休誇草聖張顛知章

騎馬似乘船蘇晉長齋繡佛前合前淨好酒的如

此樊兄便說多少人品

前腔末學士黃封佳人繡筵爭如解珮神僊古人

何必愛逃禪試看鯨吸百川合前衆看壁詩介末

淨呀鴻鴈聯登張兄昆玉必然高中况張兄又

帶香囊正合詩意恭喜恭喜

淨莫厭傷多酒入唇生清歌妙舞樂青春

外相逢不飲空歸去
末洞口桃花也笑人

第九齣 貼上

薄倖淑氣驅寒東風扇暖看小庭芳草落紅零亂

也知春與鏡中顏換 旦上 僊郎遠把鳳管吹殘楚

調幾度見秦樓月滿 貼 菩薩蠻 貼 一番風雨催春老

夜來花落知多少 旦 杜宇自無情偏教思婦驚

貼 春愁知幾許愁極渾無語 旦 芳草易斜陽行

人悲故鄉 貼 媳婦自從孩兒去又是兩月光景

了怎的書信也沒有一封回來 旦 婆婆想必路

途迢遞人事蹉跎是以便音難寄 貼 去時節花

柳芳妍早春天氣如今又見綠暗紅稀已是清

和時景了

黃鶯兒風雨杏花殘捲簾時人倚闌長途遊子悲

春晚愁腸別剗愁眉翠攢奈衡湘信杳無魚鴈 合

望長安天高日遠人在五雲端

前腔 旦 人去妾身單為多愁損舊顏曉臨妝鏡心

慵懶香消麝蘭釵分鳳鸞紫簫聲斷行雲散 合前

簇御林 貼 山迢遞水渺漫歎人間行路難倚門慈

母空腸斷怎能勾他平步登霄漢合省愁煩金錢
問卜多應是錦衣還

前腔

旦

身勞悴力苦艱奉高堂菽水歡只愁他日

近桑榆短問蒼天人去也何時返

合前

貼

聚散空嗟類轉蓬

旦

春光欲盡思無窮

貼

魚書欲寄何由達

旦

水遠山長處處同

第十齣

丑扮令史上

少小須勤學文章可立身滿朝朱紫貴盡是讀書人自家乃是禮部衙門內一箇令史今年張

狀元及第賜宴瓊林本官著我鋪排筵席點檢食次衆官到也不免在此伺候則箇

哭岐婆

末扮首領官上

金鞍驃裊宮花壓帽封章

奏了新承恩詔瓊林賜宴集時髦僊儀擁入蓬萊

島

合

噠哩哩囉囉哩噠哩哩囉囉哩噠哩哩囉囉哩自家乃

是禮部一箇首領官張狀元兄弟登科今日赴

瓊林宴堂上委着下官提調令史每太僕寺掌

鞍馬祇候怎生不見

丑叫介淨上

廳上一呼堦

下百諾覆大人有何鈞旨

末

今日狀元遊街鞍

馬完備了未淨俱已完備了且是好馬未未怎見

得好馬有多少名色淨西江月只見赤電超光

越影奔雷躡景踰輝晨鳧挾翼絕塵飛紫燕浮

雲翻羽未更有甚麼淨更有騰霧驂騮叱撥追

風驟駉纖離的盧一躍過檀溪爭似烏騅千里

未未怎生模樣淨臨江僊點點流珠凝赤汗騰騰

口吐紅光驟驟龍尾棹雲長竹批雙耳峻花趁

四蹄香未怎生妝扮淨金登纖纖垂繡絡雕鞍

閃閃銀妝文絲裊裊紫遊韁錦韉花爛熳朱鞞

玉叮噹未既完備了只在午門外伺候淨正是

金勒馬嘶芳草地玉樓人醉杏花天下未排設

的令史筵席完備了未丑告大人俱已完備了

未未什麼食品丑西江月翠釜馳峰骨聳銀盤鱸

縷絲飛鳳胎虬脯素麟脂犀筋從教厭飫未更

有什麼丑異品朱櫻綠筍香菹紫蕨青葵五齏

七醢與三齏總是僊庖珍味未怎生鋪設丑臨

江僊只見馥郁沉煙噴瑞獸氤氳酒滿金壘綺

羅繚繞玳筵開人間真福地天上小蓬萊繡褥

金屏光燦爛紅絲翠管喧
雁瓊林瀟灑絕纖埃
紛紛人簇擁候取狀元來
末狀元來了未丑遠

遠望見一簇人馬紛鬧想是狀元來了
末兀的

你伺候着丑只教他酒淹衫袖濕花壓帽簷低

末玉殿傳金榜君恩賜狀頭英雄三百輩相逐

步瀛洲

宰地錦襠

生外上

洛陽新林染宮袍特領天恩下

九霄羽林冠蓋豎旌旄方顯得男兒志氣高
合噠

哩哩囉囉哩噠噠哩哩囉囉哩噠

哭岐婆

淨上

長安御道東風芳草遊人鬧炒桃花

爭笑紅樓簾捲美人嬌多情却被無情惱

合前

宰地錦襠

末

瓊林春色醉僊桃聖澤千年此日遭

詩成珠玉在揮毫池上于今有鳳毛

合前末

此是

杏園請狀元住馬

淨

見說狀元赴宴瓊林都有

作詩舊例狀元請先賦一詩作倡然後資次賡

和老夫叨於年末亦當效顰如詩不成罰依金

谷酒數

末

狀元請

生誦詩介

天下英雄入彀時

紛紛隨我步龍墀雲程直上九萬里月桂高攀

第一枝銀瓮香分官寺酒彩毫先賦杏園詩北
堂慈母春秋邁敢把泥金報喜遲淨妙妙如今

該張探花作也要步韻外金鑿憶昨拜恩時衣

惹天香下玉墀中廐馬從乘上駕內園花許折

高枝預沾王母蟠桃宴會賦湘靈鼓瑟詩十九

人中最年少功名到手肯嫌遲淨好好又強似

乃兄之作末老進士如今輪到足下了淨老夫

已作過了末不會淨諱介適來雖不會在先作

得儘有老夫如今年邁沒心緒搜索枯腸偷今

換古就把老年登科作一首末願聞淨開寶二

年來應舉紹興三載始成名末開寶是太祖皇

帝寶號你到是一百七十歲了淨老夫年衰昏

眊是差了即是元祐二年末後末句淨饒他白

髮簪中滿誰信青雲足下生觀榜已無朋友在

到家惟有子孫迎也知年少登科好方信龍頭

屬老成末這詩雖好一來是古人梁狀元做的

二來不會和前韻不准不准淨又諱介末請淨

七步之才打什麼緊誦詩介年老今非少壯時

諸公挈我拜丹墀金盃御酒吞三盞烏帽宮花
插一枝腹內自知全欠學人前不敢強吟詩驕
騮跼踏爭先去莫笑駑駘進步遲末詩便好但
後有跼踏兩箇字淨老拙信口嘲來不可求全
責備拚得罰酒了

畫眉序

生三策獻重瞳獨占鰲頭聖恩重念鰥生

何幸此日登庸雲程遠方舊鯤鵬天闕近爭來麟

鳳合大家同赴瓊林宴人人在錦繡叢中

前腔

末才子氣如虹下筆文源似泉涌羨難兄難

弟竝列儒宗謾誇他千里神駒爭似你雙飛靈鳳

合前

前腔

外文史勉三冬經濟才華愧晁董喜文場一

戰奏捷詞鋒奮身誇荀氏八龍覽德羨河東三鳳

合前

前腔

淨四海樂時雍聖主垂衣御天統看堯庭疊

見總是英雄起賢佐渭水飛熊表嘉瑞岐山鳴鳳

合前

滴溜子

生微臣的微臣的荷蒙聖躬今日裏今日

裏喜沾厚寵感恩空懷慚悚叶心贊廟謨賡歌聖
宋期取功名勒鼎鍾

大和佛

淨外

閨苑蓬壺春正濃宮花壓帽紅瓊膏

玉髓僊釀瀉黃封鯨吻吸千鍾

合

都拚取解下金

龜醉春風都拚取解下金龜醉春風

前腔

末

僊庖異饌傳供奉無非翠釜紫駝峰金屏

繡褥香暖綺羅叢觴咏且從容

合

直喫到醉後人

扶上青驄直喫到醉後人扶上青驄

雙聲子

合

天街晚天街晚歸馬緩黃金鞵人驟處

人驟處綵簇引笙歌擁明月上明月上花影重花

影重看歡聲鼎沸笑臉春融

餘文

合

從今更撰賢臣頌報國丹心務秉忠願追

踪伊呂遙羽夔龍

生

酒痕狼籍污春衣

淨

宴罷瓊林竟落暉

外

一色杏花紅十里

合

僊郎歸去馬如飛

第十一齣

丑扮堂候官上

普賢歌 袞衣天上未朝回人擁沙堤相府開公文
滿案堆六曹星火催執事紛紛專等待自家乃是

秦丞相府中一箇堂候官俺丞相入朝奏事此時相將回府恐有差命免不得在此伺候

夜遊朝

淨上

變理陰陽調鼎鬻依日月位正台階

世掌絲綸門盈冠蓋堪忿書生狂態自家官居黃閣位逼丹青贊廊廟之謀謨爲朝廷之耳目順兩儀遂萬物須教玉燭調和鎮百姓撫四夷願保金甌無缺真是八柱擎天高明之位列以致四時成歲停毒之功存堂堂舟楫濟川材落落鹽梅調鼎手這幾日朝廷有事下官不會得暇

檢閱省中案牘見說新狀元張九成廷試三策

專言大臣失職時政有乖明明詆毀下官回耐書生纔得進步輒敢如此無禮正是恨小非君子無毒不丈夫堂候官那有丑覆恩相有何鈞

旨淨你去中書省取出新狀元御試策三道來

看丑理會得

下取策上

狀元策在此

淨看策笑

介第一策道奉迎二帝於朝廷宜盡父子溫清之禮修治諸陵於中土當雪祖宗憤恥之讐第二策道省徭賦以甦久困之民固城池以備不

虞之患這箇也罷第三策道權臣悞國而奸佞
盈朝邊將寢兵而英雄喪氣這兩句分明直指
下官主和議之非呀多少勲舊大臣尚且箝口
結舌不敢誹謗於我況是一箇閭閻豎子反來
如此無禮堂候官更要尋思計策好生區處他
丑領鈞旨

前腔

未扮黃門官上

紫府潭潭深似海九重丹詔

鳳啣來雨露沾恩雲霞散彩啟沃鼎臣元宰朝廷
有旨官吏每香案迎接
淨丑跪介未新狀元張

九成探花張九思兄弟二人上表乞恩養親着
中書省議報
淨丑萬歲萬歲萬萬歲使臣請坐
看表
淨看表笑介他既有老母在堂當元先誰

着他兄弟同來赴選忠孝怎能兩全罷罷如今
只着張探花回家就祿養親聞得張狀元有文
武全才就選他做督府參謀一同岳元帥領兵
北伐便了堂候官着他即日辭朝謝恩前去此
係軍旅急務不許停留
丑領鈞旨
淨笑介

鎖廳郎笑狂生質類駑駘獻廷策太不才專非內

省歷詆西臺他憑河暴虎如今難悔合管教他風塵千里向邊塞親戰伐受顛沛

前腔末綠衣郎獨占高魁乃國家梁棟材淨他什

麼梁棟材末丞相你恩沾九命位列三台尊賢禮

士何必深罪合前

前腔丑這書生好是癡呆掉筆舌生禍胎方圖貴

顯反受飛災跪介恩官雅度只須寬貸合前淨堂

候官恐張狀元兄弟來參見着他休要入來丑

領鈞旨

淨耐耐書生謗大臣丑管教漂泊陷邊塵

淨平生不作皺眉事丑世上應無切齒人

第十二齣生上

西地錦折檻無人廷諍左袵忍及生靈封章朝奏

匡時政夕貶萬里邊城一封朝奏九重天夕貶潮

陽路八千東去伯勞西去燕斷腸回首各風煙

自家為親命強來赴選忝中高魁奈老母在堂

恐報劉之日短故與兄弟一同進表乞恩歸省

不想廷試三策違忤權臣致生禍釁蒙聖恩除

授督府參謀卽日監兵北伐本欲再上疏陳情
又非臣子之禮罷罷王陽不失爲孝子王尊不
夫爲忠臣忠孝怎能勾兩全旣得兄弟還家養
母已付大事下情雖得寬慰但恐關塞迢遙音
書阻絕如何是好好悶呵

前腔

外上

滿眼春風桃杏爭如棠棣聯榮錦衣歸

省躬溫清服勞夜寢晨興

生

兄弟雙桂聯芳擢居

首選君上之恩無以加矣不想權臣忿恨謫官
邊塞事君之理艱險固非所避但母親年老不

能廝見臯魚之恨尙自不免

外

哥哥自古道爲

臣死忠爲子死孝當初不來赴選也由得我和
你今日旣受朝廷之爵卽當致身報國不必更
以家事爲慮母親甘旨之奉兄弟當以勉力應
承生兄弟此情一言難盡

江頭金桂爲學本希賢希聖幸遭逢起一經誰想
權臣當路操弄國柄把忠良牢陷穽因此上疏奏
承明要除邪佞却被奸謀謫貶遠塞監兵飄飄置
身一羽輕我也休要恨他只是命該如此謾尤人

怨已謾尤人怨已榮枯有命論人生須信弱草栖
塵空留取丹心照汗青

前腔

外

哥哥你自負胸中耿耿況龍頭屬老成自

古爲人臣子當盡忠鯁怎辭得烹五鼎

生

這是我

分內之事母親在上如何

外

哥哥你旣身在朝廷

敢圖家慶只得向黃雲白草萬里邊塵把諸蕃虜
塵都掃淨看呼韓稽顙看呼韓稽顙單于係頸那
時節標功鐵柱呵樹勲名也知道蘇武空持節須
信終軍枉請纓

前腔

生

我一身似流萍漂梗又向遐荒萬里行回

首孤雲何處空念鄉井幾時得歸定省只愁他鶴
髮星星漸入榆景最苦天涯兄弟執手叮嚀吞聲
更將別淚零歎人生聚散歎人生聚散行藏不定
秦相國謾憑凌你只道蓬迹隨風轉我自是葵心
向日傾

外

哥哥只是我和你來此赴舉的不是

前腔想當日難違母命攜書上帝京誰信道掛名
金榜遭此不幸俾儒臣習戰征向九萬鵬程鴈鴻
分影試看鵲鴿原上兩兩飛鳴顧急難無限情歎

西堂夢杳歎西堂夢杳姜肱被冷弟和兄本爲月
殿攀雙桂翻做風波逐雨萍生兄弟限在今日起

程不得從容一敘手足之情奈何外哥哥君命

召不俟駕而行況又軍旅之事豈可稽緩兄弟

別去有何囑付生養親之禮料你能自盡不待

我叮嚀教戒但母親問你行色不可直言利害

稍稍寬慰便了外哥哥沙塞風霜須自保重兄

弟就此拜別拜生介

憶多嬌心慘慄愁似織同羣旅鴈分羽翼兩處孤

飛聲哀嘸合路途南北從此關山阻隔

前腔生臣子職當勉力奈驅馳王事歸未得腸斷

高人人垂白合前

鬪黑麻外心只慮吾兄護兵遠謫邊塞上風霜豈

會慣歷離別去轉憂憶打破愁城我心匪石合雲

橫絕域萬山遮故國那有鱗鴻寄書咫尺

前腔生我只願朝廷去奸進直秦相國你莫說謫

貶我便刀斧加誅此心肯易我到邊上待戎事稍

暇呵還須上萬言策拚取微軀裹屍馬革合前

生 參差鴻鴈落哀音

外 兄弟漂零感慨深

生 異國他鄉千里夢

外 同枝連氣百年心

第十三齣 旦上

霜天曉角 離鷺罷舞羞把菱花覩誰道嬋娟早誤
 嫦娥永夜同孤只為洛陽花好看折散鴛鴦伴又
 被春風吹夢斷從此釵橫鬢亂朱顏日夜凋殘
 妾身豈怨孤單只愁家貧親老難效菽水承歡
 奴家自從丈夫去後遭此歲時饑饉家中一向
 狼狽朝夕無可為甘旨之奉難得隣家王姆不

時應濟日長歲久難以週全今早因缺少柴米
 尚未供膳方纔覓得升合之米不免做飯充饑
 則箇

香遍滿 古來人道媳婦事舅姑所欲當進取誰信
 我家貧日晏方炊黍看流匙軟粒似玉還似珠這
 般荒歉之時誰家不絕糧婆婆你擔饑受餒休怨
 着裙釵女飯已做在此本待具些蔬肴之味又無
 錢鈔可買適來在隣舍家覓得野菜一束做一
 碗羹聊為下飯

前腔野園荒圃挑摘取草蔬露葉香可茹翠盎盛
來暫假供匙筋看柔絲嫩甲未必成五俎語云七
十非肉不飽不是奴家不爲肥甘之奉幸親甘淡
泊肯怨着憂葵女蔬飯已具在此請婆婆出來喫
早膳

霜天曉角

貼上

孩兒出路老景添悽楚冷室塵生

翠釜日高未辦朝餽媳婦這般時候纔具早膳

旦

婆婆只因少米故此遲了

貼

媳婦我和你朝暮

生受多虧負東隣王婆婆每日來陪我喫飯今

日怎麼不請他來

旦

因無蔬菜不會去相請工

婆婆已自來了

臘梅花

丑上

佳人賢孝絕代無休問徐吾與李吾

你看那野禽能反哺遶庭三匝叫慈烏老娘是張

安人的隣舍自他兩箇秀才上京去後家中十

分艱難老娘不時周給他好一箇賢孝媳婦每

日供膳必來請我相陪今早有些不快不會去

得不免去探望一回

見介貼

王隣母請坐

丑老

安人怎麼纔喫早膳

旦

因缺少柴米以此遲了

香囊記
丑 大娘子怎不早來與我說送些與你 旦 婆婆
已害多番難以啟齒 丑 你說那裡話如此不成
隣舍了

羅帳裡坐

貼

隣母我時遭坎坷家業盡無晨昏生

受甚蒙看顧懷恩慘慼怎忘隣母

合

菜羹蔬食強

支吾幸有這辛勤孝婦

前腔

丑

老安人大娘子我與你同隣共井況又恩

洽義孚艱危緩急我當扶助你當初秀才不肯去

赴舉也是我撮掇會許他支當一應欠缺一言既

出决無耽誤

合前

前腔

旦

我兒夫出外家惟婦姑舉眼蕭索有誰堪

訴荷高隣厚德怎生辜負

合

菜羹蔬食強支吾怎

做得崔家孝婦

貼

媳婦這般凶荒時歲教你也沒

奈何

劉潑帽桂薪玉粒真無措也只須飯糗羹蔬若得

我孩兒做得一官半職回來呵三牲五鼎供朝暮

合萬事總由天且隨分同甘苦

前腔

丑

老安人你童無五尺應門戶虧殺那女娘

香囊詞
荆布怎知賢母無嗔怒 合前

前腔 旦 自憐青鏡顏非故料奴家此生難度婆婆

在堂呵強將菽水供飡素 合前丑 大娘子今後切

不可避嫌但有欠缺只在我家來取 貼旦 多謝

王隣母

貼 施恩布惠謝高隣 丑 饋乏賙窮豈憚頻

旦 惟有感恩并積恨 合 千年萬載不成塵

第十四齣 末上

萬竈貔貅氣象雄秋風劒戟倚崆峒將軍已定

平胡策奪取龍驤第一功小人乃是岳節使麾

下一箇兵校俺節使大人真箇是將家第一國

丑 無雙怎見得看他氣宇堂堂威風凜凜乃朝

廷之心膂爲邦家之爪牙坐帷幄而決勝千里

慷慨謀謨握羽扇而指揮三軍從容談笑金印

纍纍如斗大錦裘燁燁似翬飛三戰三捷休誇

方叔無勛七縱七擒謾說武侯妙算駐節而寇

兵星散望風而虜氣煙消嚼枚疾走不聞人馬

之聲到陣橫奔惟見風雲之色進以鼓退以金

那一箇敢爭先却後張我弓挾我矢那一箇不
奮勇揚驍左擊右突而兵藏四機前驅後衝而
將嚴八陣何用奇謀秘計不須高壘深溝山河
誓重恩光大雷電威嚴號令明休誇軍令嚴明
且說他戎事整齊只見牙爪桓桓闕如虓虎武
夫赳赳猛若熊羆閃閃三千金縷甲總是水犀
紋英英十萬鐵兜鍪無非皮索貫虎韞中納取
燕角麋膠朱弦黑幹夾弧弓曾見號猿走斃魚
腹內藏着鐵絲雪羽金鏃霜鋒恒弗矢從教宿

鳥驚飛利槩夷予簇簇長戈短戟森森走朱輪
麾画轂征車雜逕驟如雷踏玉鏡據金鞍戰馬
奔騰紛似蟻紫電清霜劍鏗稜稜泣陰山之鬼
魅朱竿赤羽旌旆獵獵動碧漢之龍蛇馬前行
帳錦模糊腰下佩刀金錯落正是一身扶日月
四海望風雲道由未了節使大人早來

番卜算

外上

推轂荷君恩特拜元戎職玉門關外

霍嫖姚肉眼何曾識

滿江紅

怒髮衝冠憑闌處蕭

蕭雨歇擡望眼仰天長嘯壯懷激烈燥吻饑食

胡虜肉笑談渴飲匈奴血莫等閒白了少年頭
空悲切靖康恥猶未雪臣子恨何時竭直待駕
長車踏破賀蘭山缺三十功名塵與土八千里
路雲和月待從頭收拾舊山河朝金闕岳飛表
字鵬舉相州湯陰人也自小好習左氏春秋孫
吳兵法劉宣撫擢舉於士民之間宗統制薦拔
於~~漢~~幟之下西驅劉豫北勦楊么戰伐有功以
次陞爲都統今蒙聖恩拜受元帥之職着張狀
元護從一同征伐聞得北虜會首却是兀朮這

厮雖是勇鷲多謀怎當得我手下王貴牛皋諸
將正是嫩草怕霜霜怕日惡人自有惡人磨兵
校每那有末覆元帥有何鈞旨外着將士每聽
發號令末應叫介淨上用箭當用長挽弓當挽

強射人先射馬擒賊當擒王丑上老馬夜知道
蒼鷹饑着人臨危經久戰用意始知神覆元帥
有何鈞旨外契丹侵擾中原兀朮下兵書刻期
交戰諸將士每戎伍要整齊甲馬要精神鼓進
金退盾前兵後矢不離絃劍不入鞘違令者斬

眾應介外 督府大人怎生不見末 督府大人已

到

番卜算 生上 一卷呂公書七紙陳琳檄甲兵十萬

在胸中筆底收功績 相見介外 大人兀木下兵書

約在時下交戰 生 軍士每一聽元帥號令臨陣

不許却顧步兵騎卒不許淆混斬首級多者論

功陞賞 眾 領鈞旨

四邊靜 外 天驕恣肆侵疆場邊烽夜不息介士困

風塵生靈死鋒鏑 合 三軍努力致身報國馬上旗

燾明塞外陣雲黑

前腔 生 儒臣自有平胡策何曾衽金革報主只孤

忠昭昭寸心赤 合前

福馬郎 末 督府樞謨能贊畫大將軍容盛聲烜赫

文武威千里動蠻貊 合 一戰破戎狄名和姓勒取

燕然石

前腔 淨丑 自小從戎能騎射對陣揚弓矢無懼色

幙下從來號萬人敵 合前

生 大將桓桓士氣雄 外 羶腥一掃陣雲空

香囊詞
未從教青海無傳箭

合管取天山早掛弓

第十五齣

淨扮兀木上

北點絳唇 鞞鼓喧聲旌旗蕩影三軍猛離却邊庭
直入中華境你看那邊上好光景只見鴈塞茫茫
龍荒漠漠蒼蒼涼涼天清日淡黯黯慘慘霧結
煙愁迢迢隱隱金城圍繞控燕臺裊裊巍巍銅
柱高標分漢界突突兀兀的崇墉雉堞依稀
稀的斥堠狼墩黑隼蒼鷹草鷓青鷓往往來來
高高下下出沒戲青霄玄狐赤豹白兔黃熊祁

祁戢戢僕僕儻儻縱橫馳草莽凜凜列列冰雪
洹陰山那分冬夏冥冥迷迷風塵暗沙磧不辨
昏朝黶黶黶黶氛氣護儲胥峒峒峒嶢嶢巒巒橫
邏些星星散散部落屯兵何止貔貅十萬整整
齊齊沙場牧馬那數駉牝三千皤皤娑娑髡顛
擾擾舞番童絡絡繹繹槌髻紛紛走胡婦琵琶
聲唧唧嘈嘈撥盡穹廬夜月觥唼調淒淒切切
吹殘邊戍秋風濯濯牲牲的牛羊遍地無非給
口餼糧班班剝剝的弓矢橫腰總是隨身行仗

正是天生一般種族地分兩處山河自家兀木
的便是諸部稱為四太子機謀變詐膂力麤豪
靴尖踢倒天關鎗柄戳穿地肺聞氣而蚩尤喪
膽望風而項羽消魂只因天時暑熟一向休兵
解甲如今風高氣肅弓強馬肥正是征戰之秋
不免整點戎陣演習武藝期日分道南侵還定
中原多少是好頭目每那有末上風生紫塞秋
橫劔月落黃河夜渡兵丑上巴童戍久能番語
胡馬調多解漢行將軍有何分付淨前下戰書

去中朝定在日下交兵都要整着弓馬演習武

藝末丑領鈞旨淨今日就在祁連前面打圍不

許部落分散頭目每各要逞說本事來末骨鏊

鏊亂敲画鼓急綳綳滿挽弓號膈膊膊雲外落

雙鷗霍靡靡五犯踣倒淨且說對陣本事末光

爍爍旌旗蕩颺氣騰騰戰馬咆哮亂霍霍兩手

舞金刀撲碌碌人頭如刈草淨好勇漢丑昏慘

慘冥迷天日浙索索亂撒風沙嗶嗶唳前後奏

胡笳躑躅躑躅爭奔獵馬淨對陣時節丑只見忽

喇喇箭鋒似雨密蹣蹣戈戟如麻黑瞳瞳雙眼
亂飛花戰兢兢怎當驚嚇末笑介你只好陣後

與兵淨這廝沒用拿去罰罪丑渾介淨且饒他

各要向前打獵不論飛禽走獸多得者重賞沒
有者受罰衆應介

紅繡鞋

淨悠悠羽旆雲旌蓬蓬羯鼓神鉦神

鉦馳獵犬臂胡鷹人辟易馬飛騰合醉穹廬且飽

羶腥醉穹廬且飽羶腥

前腔

末胡兒馬上爲生爲生那筵露宿霜征霜征

羶帳暖鐵衣輕秋氣肅暮煙橫

合前

前腔

丑打圍直入長城長城漢人往往奔驚奔驚

弓落月箭流星邊日淡隴雲平

合前

前腔

淨羣醜暫且歸營歸營明日管取交兵交兵

心猛烈氣崢嶸攻澤潞取幽并

合前

淨

飛走紛紛塞草腥

丑

且檠弓矢偃旄旌

末

洗兵魚海雲迎陣

合

秣馬龍沙月照營

第十六齣

貼上

金瓏璫孩兒辭故里途路歷盡艱危空使我寸心

馳旦上堂前姑老矣天上遊子歸遲情脉脉思依

依踏沙行貼目斷孤鴻書沉雙鯉青山渺渺雲千

里悶懷蕭索怕驚秋梧桐葉落西風起旦翠黛

愁橫紅鉛淚洗美人只隔湘江水歸期暗卜已

無憑鵲聲爭似燈花喜貼媳婦家事蕭條老懷

抑鬱孩兒又不回來如何是好旦婆婆生意艱

難奴家自當區區孩兒在外想在早晚回家婆

婆請自寬心貼春間別去如今將已秋暮書信

也沒有一封回來途路上風霜疾病如何保得

二犯傍粧臺我終日倚門閭謾勞慈母朝夕望兒

歸想應在途路裏莫不是寓京畿孩兒你休戀卜

林春富貴須念高堂日暮時合又驚時變九月

衣教人屈指數歸期

前腔旦一從夫婿赴春闈幾多心事只恐老親知

愁不敢垂玉筯貧不敢皺蛾眉緣何未收書一紙

忽見關河朔鴈飛合前

生查子外上儒冠豈悞身平步青霄上親舍久淒

涼客路多勞攘進見介貼孩兒你回來了外拜貼

母親只為功名之事久缺甘旨之奉望恕孩兒
不孝之罪 拜旦介 嫂嫂母親在堂多謝扶持侍

養 旦 叔叔路上風霜辛苦且喜脫白掛綠 貼孩

兒你如何獨自回來

刮鼓令 外 當時赴選場念萱親獨在堂蒙撫養劬

勞難報又荷詩書教子方 貼 敢是你兄弟都得中

試了 外 雙桂喜聯芳 貼 你哥哥中第幾名 外 吾兄

幸然名魁虎榜 貼 孩兒你中第幾名 外 孩兒名忝

探花郎 貼 你怎的先回 外 中榜之後一同哥哥上

表乞恩歸省哥哥被留在朝選用獨放我回為親

老恩賜早還鄉 貼 孩兒你父親早喪我為你兄弟

受了多少艱苦

前腔 良人歎早亡困蓬茅無所望歷盡了糞鹽貧

苦守孤幃到鬢霜教子學文章難禁這許多勤勞

鞅掌孩兒幸今日身顯姓名揚只一件你哥哥留

在朝幾時能勾回來念吾兒衣錦滯他鄉

前腔 旦 心中自忖量頓教人添感傷 外 嫂嫂因甚

傷感 旦 你兄弟當時別去苦家貧遭歲荒我竭力

事姑嫜

外

多虧負嫂嫂了

旦

晨昏恨無肥甘奉養

你哥哥呵既登高第沐恩光他怎生不與共還鄉

前腔

外

嫂嫂不須用悒悒聽一言說審詳幸兄弟

方沾恩命又被風波分鴈行

旦

為着什麼

外

為三

策獻君王忠言忤違當朝宰相因此上難脫利名

韁

旦

哥哥如今在那裏

外

被丞相懷忿除授帥府

參謀差往北方征戰了

旦

悲介

外 嫂嫂不須煩惱

料哥哥不久就得回家典軍務謫宦在瓊鄉

貼

鳳隻鸞孤兩處分

外

更堪鴻鴈怨離羣

旦 玉關此去三千里

合

要寄音書那得聞

第十七齣

淨扮軍士上

胡虜驅兵入漢關秋風殺氣暗秦山英雄一奮

匡時力不放沙場匹馬還養兵千日用在一朝

俺岳爺爺真個是天下無敵連日與契丹大戰

弓強兵銳所向無前士氣轟騰無不一當百兀

木部下軍馬喫殺得片甲無存只一件自古道

羸軍一萬自損三千雖得屢勝手下將士亦被

害了無數小人被飛箭射傷難受軍中苦楚便

香囊記
是違了號令也沒奈何只得逃回家去將養性命有一箇兄弟亦在陣上亡了不免到戰場內一尋骸骨殯葬也好只見衰草茫茫風沙四起髑髏重疊戰血模糊那里認得此間到有一箇繡袋兒不免拾去賣幾文錢路上做盤費也強似沿門求乞及早逃奔回家正是將軍不下馬各自奔前程

下

第十八齣

生上

高陽臺弓矢斯藏干戈載戢三軍且休戎服紫塞

煙清中原今有頗牧你看那思歸將士呵胡笳亂奏青雲外猛然裏亂我心曲走風塵勤勞王事鬢

絲銷綠

漢將承恩西破戎捷音先奏未央宮天子

預開麟閣待祗今誰數貳師功自家只因對策違忤權臣除授只今官職監兵征討到此邊境連日交戰且喜斬首萬級虜軍敗北已有捷音飛報朝廷了等待聖旨到來方敢旋師且將刀劍解下換了戎衣少息勞頓呀紫香囊怎的不見了這箇物是我母親元先親手製的佩帶二

十餘年因念手澤不忍遺棄如今却失在戰場
內了苦介因人感物爲物思人我母親妻子兄
弟一向隔遠不能勾厮見其如愁悶何詩云王
事靡盬不遑將母公義私恩怎能兩盡正是提
兵身萬里懷土淚千行

前腔淚染征衫香消舞綵高堂有人孤獨兄弟參
商那些箇如手如足鵬霄洛鯁分鴛侶謾自憐有
女如玉念孤身家鄉萬里旅愁千斛外上據鞍談
笑把金戈平寇何須斬獲多聖代中興重製頌

洗兵誰爲挽天河

見生介生

元帥智通萬務勇

寇三軍用兵如神戰無不利班爵論功當在孫

武穰苴之右

外

狀元何說此話一則天子中興

之福二則督府叅贊之功下官何能之有

生元

師連得戰勝已有捷書飛報朝廷去了須待旨
意到來方可還軍耶

外

正說得是頭目每那里

淨丑上

鳴笳疊鼓擁回軍破虜平番昔未聞丈

夫鵲印搖邊月大將龍旂掣海雲覆元帥有何
號令

外

如今收斂兵器將士各歸營壘休息直

待聖旨到來方可回軍如有私逃回者者斬淨

領鈞音

山花子生凱旋重獻中興頌遐荒大播皇風看梯

航萬國盡通四塞斷絕邊烽合把三邊虜塵掃空

捷書夜飛清晝同明朝管取朝九重方顯元戎報

國精忠

前腔外轅門落日旌旄擁陣列萬竈罷熊管教取

天山掛弓直須劔倚在崆峒合前

前腔淨紛紛犬戎落落氏羌種空有聚蟻屯蠶看

前徒倒戈自攻蹀血漂杵流紅合前

前腔丑三千隊中我飛騎偏驍勇戎伍慣直前鋒

且休誇周瑜呂蒙何曾數馬武臧宮合前

紅繡鞋合三軍氣猛威雄威雄連衡左右折衝折

衝歸上國奏虜功呼萬歲覲重瞳麟閣上畫形容

番卜算末扮使臣上喜色動龍顏恩詔傳丹鳳紅

塵飛騎赴邊陲文武均沾寵聖旨已到跪聽宣讀

皇帝詔曰朕承中葉遭家不造天步艱難人心

騷動氏羌蠹侵於西土獫狁蜂擾於中原生靈

荼毒朕實憫焉所賴文武同心將士戮力內平
禍亂外靖邊塵叅謀張九成狗國無家護兵有
略陞授刑部侍郎前往五國城候問太上皇帝
淵聖皇帝起居消息元帥岳飛用兵神武臨陣
機謀陞授天下都元帥仍去邊郵勦除賊寇其
下將士論功爵賞有差嗚呼盡忠匡國惟臣子
之至情崇德報功乃朝廷之通典欽予時命恪
守厥職望闕謝恩

十二時

合山呼萬歲天恩重諸將士喧傳聲闕仰

生外萬歲萬歲萬萬歲

荷黃麻詔一封

生叩首欽承君命 外爵賞人人歡慶

末朝中天子三宣 合闕外將軍一令

第十九齣 旦上

山坡羊荒涼涼高秋時序冷蕭蕭清霜天氣怨嘹
嘹西風鴈聲啾啾唧唧四壁寒蛩語這般時節邊塞
征人呵方授衣遠懷愁幾許沾襟淚點空如雨這
箇衣服和淚緘封憑誰將寄 合天涯人迢迢書未
歸傷悲心搖搖怨別離深閨乍冷開香篋玉筋微

香囊詞
微濕紅頰忽聞征鴈叫秋雲邊信未來情已怯
一夜霜風楊柳窮征夫迢遞轉淒涼手展齊紈
欲裁剪金刀未下先斷腸繒紋瑩奪澄江色愁
撚銀鍼紉不得回頭顧影綠牕空惆悵無人試
寬窄奴家自從丈夫去後獨奉萱堂甘旨世務
艱難久不事於刀尺如今暮秋天氣家家砧杵
爲禦寒之備適在婆婆處供早膳畢不免暫時
偷暇整理些舊衣服做些鍼指則箇

前腔亂茸茸柔絲分縷軟撲撲輕綿鋪絮碎紛紛

縫紉故繒疊層層裝就遮寒褚看此衣線痕千萬
緒也應把我窮愁綴只怕緒少愁多離情難繫

合

丈夫思之裙釵來舉案時須知牛衣中對泣時你
看這衣服經了多少挪掌折挫好似奴家此身

前腔浙瀝瀝鳴秋機杼響督督敲寒砧杵斷截截
把金刀剪密裁纖纖綴續針和繭想此衣到今難
稱體丈夫你便是腰金衣紫莫忘了貧賤之時懸
鶉百結君須記這箇故衣你好棄得須信道糟糠
妻室難棄

淨扮乞兒上

厨中有冷飯路上有饑人

香囊記
娘子求乞些糧米 淨跪介旦 漢子你手裏拿着

什麼東西 淨 是一箇羅袋兒換些糧米充饑 旦

看介

香柳娘看香囊紫囊看香羅紫囊是我姑親製兒

夫佩取長安去 淨 娘子你看了這羅袋兒為何掉

淚 旦苦介 我覩物感傷我覩物感傷心下自憂疑

其中有情弊這饑寒武士這饑寒武士你在何方

住居這箇物事呵從何得取

前腔 淨 苦饑寒在途苦饑寒在途欠缺糧米逢人

只得長拜跪 旦 你是那里來 淨 我是從軍的健兒

我是從軍的健兒戰敗苦瘡痍還鄉且逃避 旦 這

箇物事那里得來 淨 在沙場戰地在沙場戰地見

縱橫臥屍其間拾取 旦 漢子你是從軍的在那里

征戰來 淨 小人隨着岳元帥在北方征戰一箇

兄弟在陣亡了因此戰場內尋認屍骸拾得這

箇羅袋兒沿路賣些錢米充饑則箇 旦 既在北

方征戰不會見說有一箇張參謀大人在軍中

麼 淨 我曉得就是我這里同府人 旦 他如今怎

麼了淨見說也被傷害了那時節荒荒張張小

人身被亂箭射傷疾忙走了逃得性命到此娘

子可憐見求乞些糧米貼上隔牆須有耳聽外

豈無人媳婦有什麼人在門首鬧炒旦一箇求

乞的軍士他說在北方戰敗逃回我問他緣故

貼你會問孩兒的消息麼旦便是他說在軍中

傷死了他有一箇繡香囊在手裏我看來好與

我丈夫帶的相似特來與婆婆認看貼看驚介

呀正是我當初做的他說是那里得來旦他說

是戰場裏拾來貼兀的我孩兒死了倒介淨拾

香囊介小人人家裏只在此左近因路上饑寒將

這羅袋兒賣幾文錢這箇娘子問我幾句問話

和那媽媽驚倒在地不知為着什麼我是行路

的巴不得到家那里管着閒事正是一心忙似

箭兩脚走如飛先下丑上家貧顯孝子國難見

忠臣聽得隣家張老安人門首鬧炒不知為着

什麼待老娘去探問一番呀怎麼老安人和大

娘子都倒在地叫介大娘子請起大娘子請

起旦起介丑大娘子你兩個為着什麼倒在地

上旦王隣母一言難盡適來門首一箇叫化軍

士賣着一箇紫香囊婆婆認看正是我丈夫帶

的丑曾問他官人的消息麼旦便是他說在軍

中傷害了因此婆婆驚殞在地丑大娘子沒奈

何生死前緣分定無以為死傷生且含淚忍情

扶救婆婆起來將好言慰解他旦正說得是婆

婆甦醒貼起介丑老安人請起

江兒水貼我心如醉魂似飛誰知物在人亡矣丑

老安人請起料沒有此事貼我兒你本是箇飛騰

青雲器翻做箇戰死沙場鬼我兒不是你將親拋

棄自恨我當初強逼去蟾宮攀桂

前腔旦我本是儒家女如今做鬼妻丈夫不如勇

絕從君逝只一件你親在高堂無依倚偷生只合

供甘旨暫且割恩全義猶恐他心傷背把羅襟拭

淚

前腔丑老安人休煩惱大娘子莫痛悲我心頭展

轉猶疑慮見說大官人離此將有三千餘里路人

香囊記
去迢迢三千里其間未審真和偽聽我一言寬慰
日後自有的信回來謾且尋風再問吉凶詳細

丑寬心自慰免傷悲

貼妻念夫今母念兒

旦世上萬般哀苦事

合無非死別與生離

第二十齣

淨扮兀木上

步蟾宮力拔山兮氣蓋世時不利兮驩不逝時乎
時乎可奈何蒼天故屈英雄志兀木自起兵來二
十餘年未嘗敗北今日遇了岳元帥那厮連戰
不利鐵浮圖盡被摧殘拐子馬皆爲戮斃鎗杖

輜重委棄無遺將士望風而靡三四十萬軍馬
不剩得一二千如今正要拔營回去昨日中朝
有一箇書生與我說權臣在內豈有大將立功
於外者岳少保且不免以此中心猶豫待頭目
出來再得計議頭目每那有

末丑上力盡弧弓

軟時違鐵馬遲畏瘡猶出戰飲血復登陣將軍

有何分付

淨

我如今連被岳家軍殺敗收聚些

殘兵敗將濟不得事目下就要拔營回去如何

末

告將軍岳爺爺手下猛將如虎戰士如蜂雲

屯星聚布滿四方津要去處你看那里不豎着
岳字旗號其實難去 丑告將軍撼山易撼岳家
軍難小人但是見說了一箇岳字心膽驚破其
實不敢行動 淨却怎麼好 末將軍不如留下散
卒隨了王鎮崔慶等諸將權在太行山下險固
之地堅壁守住將軍只帶十數騎士潛自逃去
方可 淨也說得是我心上好焦念

包子令怒氣衝天心噴火心噴火英雄壯士未消
磨未消磨今日皇天將殲我兵疲馬憊欲如何欲

如何

合須時再整舊山河須時再整舊山河

前腔

末百萬精兵真磊砢真磊砢中原將帥有廉

頗有廉頗百戰無功遭剝挫不如歸去罷干戈罷
干戈 合前

前腔

丑鐵壘金城曾打破曾打破三吳百越盡經

過盡經過今日偷生逃難躲岳爺爺便是活閻羅

活閻羅

合前

淨

英雄失志受人欺

末

白刃無光戰馬疲

丑

得意狐狸強似虎

合

敗翎鸚鵡不如雞

香囊記
第二十一齣

外上

霜天曉角同攀月桂兩處分棠棣春草空勞夢寐
何時迭奏埴簷兄南弟北兩依依遠道風塵信息
稀春塞愁聞鴻鴈過秋原夢逐鵲鴿飛下官自
從那年春榜之後與俺哥哥在京師分別轉首
又是三年書信也沒有一封回來骨肉淒涼朝
夕想念其奈母親愁煩成病不免待母親出來
解慰一番

前腔

貼上

恹恹病體漸覺形憔悴

旦上

謾有愁眉

鎖翠空教淚眼垂珠

相見介外

母親孩兒在外幾

日有違定省哥哥信息想只在目下回家母親

請稍解愁懷

貼

孩兒你兩日出外尚不知哥哥

的凶信

外

母親却怎麼說

貼

昨日有一箇軍士

在門首求乞他說隨岳元帥出征戰敗逃回說

你哥哥死在軍中了

外

他是那里人定不是的

語

貼

他說是這里本府人手裏拿着一箇紫香

囊說在戰場裏拾的不料是我當初做與你哥

哥帶的方信道他是實

泣顏回并聽說淚交頤頓教人如醉如癡同胞同
氣怎知道死喪溝渠我心中暗疑恐那人錯做了
傳來語歎骨肉永訣哀傷也難如兔死狐悲

前腔

貼

嗟吁痛想我孩兒指望榮歸膝下那知物

故天涯風沙邊地誰與他掩覆蘊裡他魂無所依
念骨肉豈把屍骸棄孩兒你須當遠涉尋求早登
程不用趑趄

前腔

旦

思之百戰履艱危他魂依草莽身飼狐狸

當時范杞良身死長城之下其妻孟姜女就去求

屍埋塋了堪憐姜女獨去萬里求屍奴家今日呵

笨笨寡妻路途遙怎到得沙場裏叔叔你須憐手

足情深看荆花並蒂連枝

貼

孩兒死喪之戚兄弟

孔懷原隰哀矣兄弟求矣哥哥既死了你可去

戰場之內尋認骸骨埋殯也慰解我痛傷之念

外手足之情豈可推阻但母親年紀高大有缺

奉養哥哥之信猶恐未的可不虛費了這遭跋

涉之勞

貼

孩兒我心中哀苦之甚你只索去走

一遭

旦

叔叔事出無奈你哥哥便是沒有此事

訪問得一箇消息回來也慰婆婆愛憶之情外

兀的只索拜辭了母親和嫂嫂就起程去

催拍外雖則是吉凶未知承親命孩兒敢辭今膝

下暫違心戀慈顏景入桑榆嫂嫂親老孤單望嫂

扶持合馳驛去萬里邊陲心割兩淚沾衣

前腔貼孩兒汝兄為皇家死緩想應是天不憖遺

吾今已老矣奈地網天羅值此危時骨肉存亡母

子東西合前

前腔旦未亡人啣哀慘悽念一家生別死離衷情

訴與誰幾處飄零兩下孤嫠節孝持身誓死無虧

合前

一撮棹貼孩兒去懸望早歸外看親年老程途敢

遲遲旦沙場遠風霜未免驅馳合兄和弟未卜死

生期但願凶回吉憂愁變為喜同戲綵佳氣藹庭

闌

貼生離死別最傷神外一騎蕭蕭萬里塵

旦流淚眼觀流淚眼合斷腸人送斷腸人

香囊記

上終



